

Ի. Ա. Արաբյան

ՕՐԵՆՍԴՐՈՒԹՅԱՆ ԵՎ ՕՐԻՆԱՎԱՆՈՒԹՅԱՆ ԱՅԺՄԵԱԿԱՆ ՄԻ ՔԱՆԻ ԽՆԴԻՐՆԵՐԻ ՄԱՍԻՆ

Նախքան բուն նյութին անցնելը, անհրաժեշտ ենք համարում համառոտա-
կր կանգ առնել օրենսդրության բնագավառում Վ. Ի. Լենինի կատարած հսկա-
յական աշխատանքի մի քանի մոմենտների վրա, որոնք շատ ուսանելի են և
այսօր, երբ մշակվում են մեր մի շարք օրենսդրության նախագծերը:

Հոկտեմբերյան սոցիալիստական Մեծ ռևոլյուցիայի հաղթանակի օրերին,
երբ հիմնադրվեց սովետական կառավարման սիստեմը, սկսեց կենսագործ-
վել սոցիալիստական օրինակությունը, արագությամբ առհետևականությամբ
լույս տեսան Սովետական իշխանության առաջին ղեկրետները:

1917 թ. հոկտեմբերի 26-ին լույս տեսան «Հաշտության մասին» և «Հողի
մասին» ղեկրետները: 1917 թ. դեկտեմբերի 14-ի ղեկրետով բանկային գործը
հայտարարվեց պետական մոնոպոլիա: Այնուհետև 1918 թ. գարնանից սկսվում
է արդյունաբերական օբյեկտների ազգայնացումը, որոնց մասին լույս են տես-
նում բազմաթիվ ղեկրետներ:

Այդ ղեկրետները ռևոլյուցիոն իրավական այն ակտերն էին, որոնց ուժով
սովետական պետությունը Լքսպրոպրիացիայի էր ենթարկում Լքսպրոպրիա-
տորներին: Այդ ղեկրետներից շատերը կազմել կամ խմբագրել է անձամբ
Վ. Ի. Լենինը:

Այնուհետև, պատմական շատ կարճ ժամանակամիջոցում լույս տեսան
նաև Սովետական իշխանության հիմնական օրենքը՝ Կոնստիտուցիան և առա-
ջին օրենսգրքերը:

Լենինի կենդանության օրոք խնամքով և բազմակողմանիորեն մշակվեցին
և 1922 թ. լույս տեսան Աշխատանքային, Հողային, Քաղաքացիական, Քրեա-
կան օրենսգրքերը և Դատարանական գործերի մասին կանոնադրությունը: 1923 թ.
լույս տեսան Անտառային օրենսգրքերը, քրեական և քաղաքացիական գատա-
վարական օրենսգրքերը:

Ինչպես հասարակական-քաղաքական կյանքի բոլոր բնագավառներում,
այնպես էլ իրավունքի բնագավառում Վ. Ի. Լենինը ցուցաբերել է խորաթու-
փանց միաբ, դրսևորել վարմանալի ձեռներեցություն օրենսդրության գործում:

Վ. Ի. Լենինը ուշադիր հետևում էր Սովետական օրենսդրության զարգաց-
մանը, անձամբ ղեկավարում Արդարադատության ժողովրդական Կոմիսարիատի
կողմից օրենսգրքերի նախապատրաստման գործը, անում շատ կարևոր դիտո-
յություններ ու ցուցումներ՝ օրենքները և օրենսգրքերը կազմելու, նրանց ռևո-
լյուցիոն նպատակասլացությամբ հագեցնելու, շահագործող դատավարների
դեմ մղվող պայքարում մարտունակ դարձնելու ուղղությամբ: Այդ բոլորը
կարևոր դեր կատարեցին սովետական կարգերի ամրապնդման գործում և շատ

ուսանելի են ու օգտակար օրենսդրերի վերանայման և նոր օրենսդրության կողմնակցման գործում:

Այսպես, օրինակ, 1922 թ. մայիսին՝ ծանոթանալով ՌՍՖՍՌ-ի Քր. օրենսգրքի նախագծին, Կուրսկուն ուղղված նամակում Վ. Ի. Լենինը առաջարկում էր կոնսոլիդացիոն հանցավոր արարքների պատժաշափը ճշտել: Ընդ որում նա ինքը տալիս էր կոնսոլիդացիոն հանցագործության հասկացողության բնորոշումը և նշում այդ կարգի հանցագործությունների առանձին տեսակները: Կոնսոլիդացիոն հանցագործությունների վերաբերյալ Քր. օր. 57, 58, 61 և 70 հոդվածների նախագծերը անձամբ վերամշակվել են Վ. Ի. Լենինի կողմից¹ և հաստատվել Համահոսաստանյան ԿԳԿ 9-րդ գումարման 3-րդ սևտիայի կողմից: Նույն կարգով Լենինը մեծ դեր է կատարել քաղաքացիական բարդ արարքներովյունների կարգավորման համար՝ օրենսդրության մշակման գործում:

Անհրաժեշտ ենք համարում կանգ առնել ՌՍՖՍՌ քաղաքացիական օրենսգրքի նախագծի առթիվ մեծ Լենինի կողմից արված որոշ զիտողությունների վրա, որոնք նա արել է օրենսգրքի մշակման և գործադրության մեջ դնելու ժամանակ, մանավանդ, որ Սովետահայ իրավաբանական դրականության մեջ դրանք իրենց արտացոլումը չեն գտել:

Օրինագծի մշակման գործը գտնվում էր Վ. Ի. Լենինի անմիջական հսկողության տակ, որի առթիվ նա աշխույժ մտքերի փոխանակություն էր կատարում նրա կազմողների հետ: Կուրսկուն ուղղած նամակներում Լենինը սովորեցնում էր՝ թույլ չտալ քաղաքացիական իրավունքի մասին հին բուրժուական հասկացողության ուռճացմանը, այլ ստեղծել նոր քաղաքացիական իրավունք, նոր վերարկումներ մասնավոր պայմանագրերի նկատմամբ: Բացի ընդհանուր քաղաքացիական-իրավաբանական դրույթներից ու սկզբունքներից, նա քննարկել ու շտկել է Քաղ. օր-ի կոնկրետ հոդվածների տեղը ու դերը ամբողջ օրենսգրքի սխեմայում:

Ժողկոմխորհի ներկայացրած քաղաքացիական օրենսգրքի նախագծից հանվել էր այն հոդվածը, որն անվավեր էր հանաչում արև պայմանագրերը, որոնք կնքված էին մասնավոր անձանց միջև՝ ակնհայտնի կերպով ռուղված ի վնաս պետության: Այդ կատարվել էր մի շարք իրավաբանների և տնտեսագետների, այն պատարկմամբ, թե այդ նորման (Քաղ. օր 30) մասնավոր նախաձեռնությունը կսեղմի ու իբր տնտեսական շրջանառության վրա կազդի:

Վ. Ի. Լենինն՝ անթույլատրելի համարելով այդ մտեցումը, իր մի նամակում գրում էր, որ ժողկոմխորհը քաղաքացիական օրենսգրքը «կատարելապես անպետքացրել է» և պահանջում էր վերանայել այն ու ներկայացնել քաղաքացիության: Նա պահանջում էր, որ ստանց քաղաքացիության վերանայման և հաստատման օրենսգրքեր շրջանակներ²:

Նշված պահանջով Վ. Ի. Լենինը նկատի է ունեցել պետական սոցիալիստական սեփականության շահերը, քանի որ թույլ տալ մասնավոր անձանց պայմանագրեր կնքել ի վնաս պետության՝ կնշանակեր համակերպվել այն

¹ В. И. Ленин, «О социалистической законности», стр. 698, 1958.

² Там же, стр. 673—674. ասես նաև Վ. Ի. Լենին, հատոր 36, էջ 653:

³ 36-е Журн. «Большевик», (Ленин — Письмо Молотову), № 2, стр. 62, 1937.

նյութական լինասի հետ, որը նման դեպքում անպայման պետք է կրեր Սովետական պետությանը և նրա տնտեսական հիմքը:

Ահա այդ է պատճառը, որ Հենինը պահանջեց 30-րդ հոդվածը թողնվի քաղ. օրենսգրքի նախագծի մեջ:

Հայտնի է, թե այդ հոդվածը ինչ մեծ նշանակություն ունեցավ Նեպի շրջանում, շահագործող դասակարգերի դեմ մղվող պայքարում:

Վ. Ի. Հենինը ի վիճակի չէրավ օրենսգրքի բոլոր հատվածները վերանայելու: Արդժողկոմ Կուրսկոն — «Առանձնապես շտապ և կարևոր» նամակ գրելով, նա նշում էր, որ թեև տնտեսականության պատճառով ինքը ի վիճակի չէ քաղաքացիական օրենսգրքի առանձին հոդվածների վերլուծության մեջ խորանայելու, այնուամենայնիվ սահմանափակվում է մի շարք կարևոր ցուցումներով:

1) Արդժողկոմը պետք է հետևի, անձամբ հսկի, թե հատկապես ո՞վ է պատասխանատու քաղաքացիական օրենսգրքի յուրաքանչյուր կարևոր բաժնի համար:

2) Անպայման վերցնել այն բոլորը, ինչ արեւմտեւորոպական երկրների օրականության ու փորձի մեջ գոյություն ունի ի պաշտպանություն աշխատավորների:

3) Չսահմանափակվել դրանով (դա ամենագիտավորն է), կուրորեն շահեւել Արտգործողկոմատին: Չհաճոյանալ «Եվրոպային»: Այլ ավելի առաջ գնալ՝ «մասնավոր իրավական հարաբերություններին», քաղաքացիական դործերին պետության միջամտությունն ուժեղացնելու գործում:

Արդժողկոմատի կուլգիայի անդամի հուշագրի վրա, որտեղ նշված էր, որ քաղաքացիականության հսկողության ենթակա չեն մասնավոր գործողությունները, այսինքն՝ ազատ շուկայի աշխատանքը, Հենինը դիտողություն է անում՝ «դա ճիշտ չէ, որտեղից՝ այս»:

Այս դիտողություններից այն հետևությունը պետք էր անել, որ պետությունը ակտիվ կերպով պետք է միջամտի ու հսկի ազատ շուկայի և մասնավոր գործարքների վրա:

Վ. Ի. Հենինի այս դիտողությունների հիման վրա վերամշակված օրենսգրքի նախագիծը դրվեց Համառուսաստանյան ԿԴԿ 9-րդ գումարման 3-րդ և 4-րդ սեսիաների քննարկման: Վերջին սեսիան որոշում ընդունեց՝ Քաղաքացիական օրենսգիրքը գործադրության մեջ դնելու մասին:

Վ. Ի. Հենինը նշում էր, որ Քաղաքացիական օրենսգիրքը ընդունելիս՝ Սովետական պետությունը հաշվի է առել ժամանակի բոլոր նորություններն ու առանձնահատկությունները, և որ օրենքով նախատեսված սահմանափակումները ուղղված են ուրիշի աշխատանքի շահագործման ու Նեպի շարաշահումների դեմ:

Նեպի-ի ժամանակաշրջանում ընդունված քաղաքացիական և մյուս օրենսգրքերը արդեն հնացել են: Քաղ. օրենսգրքի նորմաներն իրենց հիմնական մասերով նկատի են ունեցել կարգավորելու այն գույքային հարաբերությունները, որոնք գոյություն ունեին Նեպի շրջանում և ամրապնդում էին սոցիալիս-

⁴ Վ. Ի. Հենին, Երկեր, 33 հատոր, էջ 232-233:

⁵ «Ленинский сборник», т. XXXV, стр. 328.

տական էկոնոմիկան: Այդ օրենսգրքում դեռևս պահպանվել են այնպիսի նորմաներ, որոնք նկատի ժամանակ կարգավորում էին մասնավոր տնտեսության, արդյունաբերության, առևտրի և գյուղատնտեսության բնագավառում եղած մասնավոր սեփականատիրական և նույնիսկ կապիտալիստական վարձու աշխատանքային, գույքային հարաբերությունները, որոնք վաղուց զաղարել են զոյություն ունենալուց: Հետևաբար այդ հարաբերությունները կարգավորող նորմաները նույնպես փաստորեն դադարել են գործելուց:

Դրա հետ միաժամանակ պետք է նկատի ունենալ, որ սոցիալիստական էկոնոմիկայի վարգացումը տվել է նոր տրակ: Այդ որակը հենց անձնական սեփականության լիակատար դրսևորումն է, որը բացառապես բանվոր ծառայողների ու կոլտնտեսականների աշխատանքի արդյունքն է և բացառում է ուրիշի աշխատանքի շահագործումը: Անձնական սեփականության այս ձևը ծառայում է քաղաքացիների սոցիալական կարիքների (պահանջմունքների) բավարարմանը իր այդ բնույթով: Այն սկզբունքորեն տարբերվում է մասնավոր կապիտալիստական սեփականությունից: Անձնական սեփականությունը սոցիալիստական սեփականության բազայի վրա ձևեր է բերել նոր տեղեկաց, աշխատավորների նյութական, կուլտուրական պահանջմունքների առավելագույն բավարարման տեղեկաց: Այդ նշանակում է, որ քաղաքացիական և Աշխատանքային օրենսդրությունը հիմնովին պետք է վերափոխվեն: Նրանք արդեն պետք է ծառայեն կոմունիզմի կառուցման պահանջներին, կունենան իրենց աշխատանքային և գույքային, ինչպես նաև դրանց հետ կապված ոչ գույքային հարաբերությունները, որոնք ծագում են պետական կառավարողությունների, կոլտնտեսային և այլ կոոպերատիվ, ինչպես նաև մյուս հասարակական կազմակերպությունների ու քաղաքացիների միջև: Օրենսգրքերի նպատակը պետք է լինի ամրապնդել ու զարգացնել սոցիալիստական տնտեսության սիստեմը և համաժողովրդական սեփականությունը, սոցիալիստական արտադրության հզոր աճը և աշխատավորների նյութական ու կուլտուրական պահանջների առավել բավարարումը: Խնդիրներ, որոնք նախատեսվել են պարտիայի 21-րդ համագումարում:

*

Վ. Ի. Լենինը նշում էր, որ «Մեր օրենսդրության արագության նմանը ուրիշ տերություններ, զժրախտաբար չգիտեն»⁶:

Այժմ մենք կարող ենք ասել, որ ոչ միայն ուրիշ տերություններ, այլ նույնիսկ մեր երկիրը՝ հանճարեղ Լենինի մահից հետո, օրենսդրության ու կոդիֆիկացման նման մասշտաբի տրիումֆալ զարգացում չունեցավ: Դա պետք է բացատրել նրանով, որ սովետական հասարակարգը համեմատած նախորդ հասարակարգերի հետ, ուներ, միանգամայն հակադիր բնույթ ու նպատակներ, բաղադրական ու տնտեսական կյանքի բոլոր բնագավառներում պետք է ընդունել իրավական նոր ակտեր ու օրենքներ, որոնք կարգավորեին սոցիալիստական հասարակարգի իրավահարաբերությունները: Կյանքի կոշիկներն ունեցողի ու ժողովրդի կամքն արտահայտող օրենքներ, որոնք հասարակական կյանքի զարգացմանը զուգընթաց պետք է վերափոխվեին: Բայց այդ վերափոխումները վերջին շրջանում՝ դանդաղ էին տեղի ունենում, հատկապես՝ անձի պաշտամուն-

⁶ Վ. Ի. Լենին, 33 հ., էջ 156:

քի պայմաններում և միշտ չէ, որ համապատասխանում էին մեր հասարակարգի առաջընթացին, իսկ որոշ դեպքերում էլ նույնիսկ արդելակում էին այդ առաջընթացը:

Այսպես, օրինակ՝ «Պետական ու հանրային գույքի հափշտակության համար քր. պատասխանատվության մասին» 1947 թ. հունիսի 4-ի ՍՍՌՄ Գերադույն Սովետի նախագահության հրամանագրով նախատեսված է խիստ պատիժ՝ 7 տարուց ոչ պակաս ազատազրկում, եթե հափշտակությունը կատարվել է պետական օբյեկտից: Քանի որ հրամանագիրը ուրիշ ավելի ցածր պատժաչափ չի նախատեսում, այդ պատճառով էլ պրակտիկայում պատահում էին դեպքեր, երբ 10 հազար ռուբլու հափշտակման և 50 կգ խաղողի հափշտակման համար սահմանվում էր միևնույն պատիժը: Դրա հետևանքը լինում էր այն, որ կատարված հանցանքի և նրա համար նշանակված պատժի միջև նկատվում էր խոշոր անհամաչափություն: Այդ հանգամանքը իր հերթին նսեմացնում էր սովետական օրենքի հարկադրադաստիարակչական դերը:

Հասկանալի է, թե ինչու այս հրամանագիրը և նրա կիրառման պրակտիկան ենթարկվեցին արդարացի քննադատության⁷, թեև այդ հրամանագիրը առ այսօր չի վերացվել, բայց և այնպես 1955 թ. նոյեմբերի 10-ի «պետական և հանրային գույքի մանր հափշտակման համար քր. պատասխանատվության մասին» հրամանագրով արդեն ենթարկվել է բարեփոխության: Մեր գործող օրենսգրքերը, ինչպես օրինակ՝ Բնակարանային, Աշխատանքային, Քրեական օրենսգրքերը և այնքան էն լրացվել առանձին որոշումներով ու հրամանագրերով, որ առանց նրանց սխտեմաափագիտայի ու կողիֆիկացման, խիստ դժվար է լինում նրանցից օգտվել: Բացի այդ, այդ հանգամանքը երբեմն էլ տեղիք է տալիս իրավաբանական անճշտությունների:

Վ. Ի. Լենինը դեռ 1922 թ. փետրվարի 15-ին Արդժողկոմ Դ. Ի. Կուրսկունը գրել է.

«Եթե մեր օրենքները ռեալիստական են» (որում կասկած չկա), ապա ինչո՞հ համար են ԱրդժԿ-ն և օրենսդրական նախագծերի բաժինը, ի՞նչ է արվում կողիֆիկացիայի համար, ինչ՞ հակասությունների վերացման համար»⁸:

Մեկ ուրիշ փաստով, 1922 թ. սեպտեմբերի 25-ին, Վ. Ի. Լենինը նորից հարցնում է՝ «Ի՞նչ է արվում Ձեզ մոտ Սովետական իշխանության օրենքների ժողովածուն լույս ընծայելու համար:

Քնած է արդյո՞ք կողիֆիկացման բաժինը, թե՞ ինչ որ բան է պատրաստում 5-ամյա հորեկյանին. պետք է արթնացնել նրանց...»⁹:

Կարծես թե մեր օրերումն են արված Լենինի այդ դիտողությունները:

Վերջին շրջանում թեև որոշ աշխատանք կատարված է օրենսդրության կողիֆիկացման ուղղությամբ, բայց այն դեռ շատ հեռու է Լենինյան պահանջներից:

Մոռացության էին տրված Լենինյան այն դրույթները, որ օրենսդրական ակտերը պետք է հրապարակվեն պարզ, աշխատավորական լայն մասսաների համար մատչելի և գյուրմուրտների ձևով, օրենքները չպետք է ծանրաբեռնե:

⁷ «Укрепление социалистической законности и юридическая наука», жур. «Коммунист», № 11, стр. 19, 1956.

⁸ «Ленинский сборник», том XXXV, стр. 325.

⁹ Там же, стр. 352.

ավելորդ մանրամասնություններով¹⁰։ Նոր օրենսդրքերի նախագիծ կազմելիս պետք է նկատի առնել չափազանց կարևոր այս հանգամանքները։

Մեր օրենսդրության հետագա զարգացման համար ոչ միայն անհրաժեշտ է, որպեսզի մինչև վերջ վերացվեն օրինականության խախտումները, այլև թույլ չտալ, որ դրանք հետագայում տեղի ունենան։ Այդ տեսակետից հարկ ենք համարում նշել, որ սոցիալիստական իրավագիտության մեջ տեղ էր դրել Ա. Յա. Վիշինսկու այն թեզը, որ դատարանը մեղադրյալի հանցանքը կարող է ապացուցված ճանաչել «մաքսիմալ հավանականության» հիմունքով. դրանով հնարավոր էր դառնում առանց օրյեկտիվ ճշմարտության լիակատար հիմնավորման մեղադրյալին դատապարտելը։ Ա. Յ. Վիշինսկին մեղադրյալի խոստովանությունը բավական էր համարում կոնտրոլյուցիոն հանցագործությունների ապացուցման և մեղադրյալի դատապարտման համար։ Այդ տեսակետի գործադրումը պրակտիկայում մեծ վնաս պատճառեց մեր հասարակությանը։ Այդ գրույթները իրավացիորեն քննադատվեցին պարտական-իրավարանական մամուլում։

Պարտիայի Կենտրոնական Կոմիտեի 1956 թ. հունիսի 30-ի «Անհատի պաշտամունքի և նրա հետեանքների վերացման մասին» որոշման մեջ նշվեց, որ անհատի պաշտամունքի տարածումը հանգեցրել է սոցիալիստական օրինականության կոպիտ խախտումների։ Րսկ այդ օրինախախտումները իրենց հերթին արգելակում էին սովետական օրենսդրության զարգացումը և նսեմացնում նրա դերը։ Պարտիայի Կենտրոնում միջոցներ ձևարարվեց անհատի պաշտամունքի հետեանքով առաջացած դրությունը վերացնելու, լենինյան օրինականությունը վերականգնելու համար։ Այդ հնարավոր դարձավ այն ժամանակ, երբ Անվտանգության մինիստրության օրգանների նախկին աշխատողների կողմից անցյալում թույլ տրված սովետական օրինականության խախտումները, իշխանության դիրքի չարաշահումները և այլ այլանդակ երևույթները ՍՄԿՊ-ի ԿԿ-ի կողմից բացահայտվեցին և վերջնականապես լիկվիդացվեցին։ Ավարտված է նաև Բերիայի ու նրա համախոհների վնասարարական աշխատանքի հետեանքով անհիմն դատապարտվածների պատվափրկումը (реабилитация), երաշխիք է ստեղծված՝ օրինականության հանցավոր խախտումները չկրկնվելու։ Իրա համար վերացված են ամեն տեսակի արտադատական ռեպրեսիաները և այժմ մենք նույնիսկ քաղաքական հանցագործության համար, ինչպես ընկ. Ն. Ս. Խրուշչովը հայտարարեց ՍՄԿՊ-ի 21-րդ համագումարում, — դատական պատասխանատվության ենթարկելու փաստեր չունենք¹¹։

* * *

ՍՄԿՊ-ի 20-րդ համագումարի որոշումների լույսի տակ 1958 թ. դեկտեմբերի 25-ին ՍՍՌԽ Գերագույն Սովետի հինգերորդ գումարման երկրորդ սեսիան ընդունեց ՍՍՌԽ միութենական և ավտոնոմ ռեսպուբլիկաների դատարանականագիտության, քրեական օրենսդրության հիմունքների, պետական, քիմիական հանցագործությունների մասին օրենքները։ Դատարանականագիտության օրենքով ընդլայնված է ռեսպուբլիկաների դատական օրգանների իրավասությունները։

¹⁰ „Ленинский сборник“, том. 35, стр. 188, 325.

¹¹ Ն. Ս. Խրուշչով, «ՍՍՌԽ մոդ. տնտեսության զարգացման 1959—63 թթ. կոնտրոլ թվերի մասին» զեկուցում ՍՄԿՊ 21-րդ համագումարում, էջ 146, 1959։

Պետական հանցագործությունների մասին օրենքը պետք է միութենական բոլոր ուսպուրիկաների քր. օրենսդրության լադկացուցիչ մասը կազմի: Երբ հաճեմատելով ուսումնասիրում ենք այդ օրենքը, մենք տեսնում ենք, որ այն նույնպես ամբողջությամբ ներծծված է Վ. Ի. Լենինի կողմից՝ կոնստրուկցիոն հանցագործությունների մասին տրված բնութագրող դրույթներով: Պատժի սուր ծայրը ուղղված է հայրենիքի դավաճանների, լրտեսների, ահաբեկիչների, դավաճանների դեմ, որոնց համար օրենքով նախատեսված է նաև պատժի առավելագույն միջոցը՝ գնդակահարություն: Նոր օրենքի ներկա ժամանակաշրջանի գործադրման առանձնահատկությունը այն է, որ պետական հանցագործությունը կատարող սուբյեկտների կազմը փոխվել է, դրանք հանդիսանում են բացառապես իմպերիալիստական հետախուզության գործակալներ:

Քրեական օրենսդրության հիմունքները սովետական օրենսդրության դաստիարակչական դերը բարձրացնում է մի նոր աստիճանի: Խնչպես հայտնի է դատական որոշ ֆունկցիաներ դրված են հասարակական-պրոֆմիտեմենական կազմակերպությունների վրա: Հատկապես մեծահոգություն է ցուցաբերված անչափահաս հանցագործների նկատմամբ, նրանց ընձեռնելով դաստիարակման լիակատար հնարավորություն: Եթե անցյալում քրեական պատասխանատվություն էր նախատեսվում 12 տարին լրացած անձանց նկատմամբ, ապա քրեական նոր օրենսդրության հիմունքներով այն տարածվում է միայն 14 տարին լրացած անձանց վրա, այն էլ որոշ կարգի վտանգավոր հանցագործությունների համար, իսկ մնացած դեպքերում՝ 16 տարին լրացած անձանց նկատմամբ: Ընդ որում դատարանին թույլատրվում է կիրառելու դաստիարակչական բնույթի հարկադրական միջոցներ, որոնք քրեական պատժ չեն համարվում (10, 12, 14 հ. հ.), իսկ սահմանված ազատազրկման պատժաչափը 10 տարուց ավելի է կարող լինել: Եթե չափահաս քաղաքացիների նկատմամբ անցյալում նախատեսված էր պատժի մաքսիմում չափը՝ 25 տարի ազատազրկում, ապա Քր. օր. հիմունքների համաձայն այն նախատեսված է 15 տարուց ոչ ավել:

Արգելվեց անալոգիայի միջոցով (Քր. օր 16 հ.) անձի միայն սոցիալիստական վտանգավորությունը հաշվի առնելով, նրան դատապարտելը: Նոր հիմունքները նախատեսում են մարդուն դատապարտել նրա կատարած կոնկրետ մեղքի համար, ըստ որում մեղադրյալը չէ, որ պետք է ապացուցի իր անմեղությունը, այլ այդ, ինչպես և հանցանքը ապացուցելը մտնում է քննիչի, դատախազի և դատարանի պարտականության մեջ:

Նոր ընդունած օրենքներով ընդլայնված է նաև անձի պաշտպանությունը: Պեճ քաղաքացիական պատերազմի ժամանակ, դատակարգային թշնամու դիմագրության ծանր պայմաններում, պաշտպաններին թույլ էր տրվում ոչ միայն դատարաններում, այլև նախաքննությանը մասնակցել¹²:

Այն ժամանակ համապատասխան թվով իրավաբանական կադրեր չունեինք: Այժմ մենք այդ ունենք և նախաքննության ժամանակ դատապաշտպանների մասնակցությունը մեծ օգուտ կրելի սոցիալիստական օրինականության առավել ամրապնդման և ղեկավարողական սկզբունքների ընդլայնման համար: Բայց դրա հետ միաժամանակ անհրաժեշտ է նշել, որ անցյալում նկատվում էին դեպքեր, երբ դատապաշտպանը՝ մարդասպանության գործով մասնակցե-

¹² См. Р. Рахунов «Советское правосудие и его роль в укреплении законности», жур. «Коммунист», № 7, стр. 52, 1957.

լով դատական նիստին, հակառակ փաստերին, իր հարցապնդումներով ու պաշտպանողական ճառով փորձում էր երևույթները հատարանին այնպես ներկայացնել, որպեսզի սպացուցեր, թե մարդասպանը մարդասպան չէ: Քիչ չեն եղել դեպքեր, երբ որոշ դատապաշտպաններ խուլիգանին, զոգին ու ավազակին իրենց ճառերում ներկայացրել են որպես անմեղ արարածներ: Նման «պաշտպանություն» արդարացի կերպով միայն զայրույթ էր առաջացնում: Նման «պաշտպանություն» վտանգավոր է մեր հասարակության համար: Այդ պրակտիկան նույնիսկ այժմ որոշ իրավաբաններ աշխատում են բացատրել ամբաստանյալի պաշտպանության դադոնապահության մեջ և դատապաշտպանի «էտիկետով», որ փրկ թե, եթե ամբաստանյալը իր կատարած հանցանքը հանձն չի առնում, ապա դատապաշտպանը նույնպես իր պաշտպանության ընթացքում պետք է կանգնած լինի այդ դիրքերում: Այդ ձևի պաշտպանությունը օրյակտիմորեն նույնանում է բուրժուական դատապաշտպանության հետ և ոչ մի ընդհանուր բան չունի սովետական դատապաշտպանների առաջ դրված խնդիրների հետ, որենք կոչված են օգնելու դատարանին՝ բացահայտելու ճշմարտությունը և պրոպագանդելու կոմունիստական բարոյականություն: Դատապաշտպանների մասնակցության թույլատրումը նախաքննության աստիճանից պետք է հետապնդել այն նպատակը, որ բոլոր միջոցներն ու եղանակներն օգտագործվի՝ բարձրելու համար մեղադրյալին արդարացնող կամ նրա պատասխանատվությունը մեղմացնող հանգամանքներ և մեղադրյալին ցույց տրվի անհրաժեշտ իրավաբանական օգնություն: Եթե այդ բոլորը կատարվում է ազնիվ դիրքերից, ապա այն դառնում է նաև օգնություն՝ Քննչին՝ արդարությունը պարզելու համար: Հետաքրքիրն այն է, որ օրենսդիրը աշխատանքային հասարակական կադմակերպությունների ներկայացուցիչներին թույլ է տալիս դատարանի որոշմամբ մասնակցելու ինչպես մեղադրելու, այնպես էլ պաշտպանելու համար:

Քր. օրենսդրության հիմունքները նպատակ են հետապնդում ոչ վտանգավոր հանցագործությունների նկատմամբ պատժառյալները նվազեցնելու, կամ սահմանափակելու, իսկ առավել վտանգավոր հանցագործությունների նկատմամբ, որոնք ուղղված են պետության, անձի կյանքի ու առողջության դեմ, խրատադնելու, թողնելով, որ հանցագործը պատիժը կրի լրիվ՝ օրը-օրի հաշվով:

Ըստ նոր Քր. օրենսդրության հիմունքների, դատարանը կարող է հաշվի առնել դատապարտյալի անձնականությունը և դործի հանգամանքները, պայմանական դատապարտության մասին հասարակական կադմակերպությունների կամ մեղադրյալի աշխատանքի վայրի բանվոր ծառայողների և կոլտնտեսականների կոլեկտիվի միջնորդությունը և մեղադրյալին ենթարկելու պայմանական դատապարտության՝ պարտականություն ղնելով միջնորդող կոլեկտիվի վրա՝ վերադաստիարակելու և ուղղելու պայմանական դատապարտվածին:

ՍՍՌՄ զրոգների 3-րդ համագումարում ընկ. Ն. Ս. Խրուշչովը իր ելույթում ցույց տվեց, որ այժմ ավելի շատ պետք է մտածել հանցագործություն ծնող պատճառները կանխելու, կյանքի ուղուց շեղված մարդկանց դեպի ազնիվ աշխատանք մղելու մասին¹³: Այդ շատ կարևոր և մեծ գործ է կոմունիստական հասարակարգի կառուցման համար:

¹³ «Երևան» 24-ը մայիսի 1959:

ՍՄԿՊ-ի 21-րդ համագումարը զրեց նաև այն հարցը, որ պետական շատ ֆունկցիաներ աստիճանաբար պետք է հանձնվեն ոչ պետական, հասարակական կազմակերպություններին: Վերը նշած օրինակը այդ անցման եղանակի իրականացման լավագույն արտահայտություններից մեկն է: Պարտիայի կողմից արդեն ձեռնարկված է միջոցառումներ՝ հասարակական կարգ ու կանոնի պահպանումը, սոցիալիստական համակեցության կանոնների խախտման դեմ մղվող պայքարը ժողովրդական միլիցիայի գրուժինաներին և ընկերական դատարաններին անցնելու ուղղությամբ: Այս ամենը ասում են այն մասին, որ քրեական օրենսգրքի նախագիծը մշակելիս, որոշ ոչ վտանգավոր արարքներ, որոնք անցյալում դիտվել են որպես հանցագործություն ու դրանց համար պատիժ է սահմանվել, այնտեղ չպետք է տեղ գտնեն: Նման արարք կատարող անձանց կարելի է ենթարկել հասարակական ներգործության, կամ վարչական տուժի:

ՀԱՍՏԱՆԱԳՐՔԻ ՆԱԽԱԳԻԾԸ, որը այժմ դրված է քննարկման, դժբախտաբար այդ բանը զգացնել չի տվել. իսկ երբեմն էլ թերագնահատվել է հասարակական կազմակերպությունների աշխատանքային կոլեկտիվների կոլտուր-դաստիարակչական դերը: Բացի այդ նախատեսվել են այնպիսի արարքներ ու ձևանշվել պատժելի, որոնք նախորդ քր. օր-ի մեջ գոյություն չուներ:

Օրինակ. 163-րդ հոդված՝ ինքնազուլա խոտ հնձելու համար, 170-րդ հոդ. ձկնային պաշարի պահպանության կանոնների խախտման համար, 171-րդ հոդ.՝ ապօրինի որսի համար, 238-րդ հոդ.՝ զերեզմանն անարգանքի ենթարկելը, (211-րդ հոդ.՝ ապօրինի շինարարության համար), 213-րդ հոդ.՝ քաղաքացիական կացության ակտերի պահպանման մարմիններում ամուսնությունը չգրանցելու համար և այլ հոդվածներ: Կարծում ենք, որ ՍՄԿՊ 21-րդ համագումարի որոշումների լույսի տակ բարեփոխության կենթարկվի քր. օր. նախագիծը:

Ընկ. Ն. Ս. Խրուշչովը համագումարում պարտիայի անունից նշեց սոցիալիստական օրենսդրության և օրինականության զարգացման ուղին: Նա ասաց. — «Ավելի ու ավելի մեծ չափով պետք է հասարակական կազմակերպությունների տնօրինությանը անցնեն նաև հասարակական կարգ ու կանոնի և սոցիալիստական համակեցության կանոնների ապահովման հարցերը»¹⁴, ինչպես տեսնում ենք սոցիալիզմից կոմունիստական հասարակարգի անցման պայմաններում օրենսդրական ներգործող հարկադրանքի սֆերան ավելի ու ավելի է նեղանում: Պատժիչ միջոցների սուր ծայրը հիմնականում ուղղված է իմպերիալիստական հետախույզության, նրանց վարձկանների, մարդասպանների, զոդերի, շարամիտ խուլիգանների և այլ վտանգավոր հասարակական էլեմենտների դեմ:

* * *

Սովետական իրավաբանների և պետական գործիչների առաջ ծառացել են պատվավոր ու շուրջ խնդիրներ: Անհրաժեշտ է մեծ եռանդ դրսևորել օրենսգրքերի նախագծերի մշակման ու քննարկման գործում:

Այդ գործում պետք է օգտագործել Սովետական պետության դատարանների, դատախազության անցյալում կուտակած երկարամյա փորձը և ամենօրյա հարուստ պրակտիկան: Անհրաժեշտ է հաշվի առնել նաև եղբայրական ուս-

¹⁴ Ն. Ս. Խրուշչով. «ՍՄԿՊ «Ժողովրդական տնտեսության զարգացման 1959—1965 թթ. կոնտրոլ թվերի մասին», էջ 146, 1959:

պուրիկանների փորձի փոխանակումը, որը կհեշտացնի օրենսգրքերի մշակման գործը:

Այժմ սովետական նոր օրենքների նախագծերի մշակման և օրենսգրքերի կողիֆիկացման համար ստեղծված են լայն հնարավորություններ: Շատ միութենական ռեսպուբլիկաներում, այդ թվում նաև Հայաստանում, Մինիստրների Սովետներին կից կազմված են իրավաբանական հանձնաժողովներ, որոնք կոչված են զբաղվելու օրենսգրքերի նախագծերի մշակման նախապատրաստման գործով:

Օրենսգրքերի մշակման ժամանակ պետք է նշանաբան ընդունել Հենինի այն դրույթը, որ օրենքներ սահմանելիս գործը պիտի կատարել եռակի շրջաճառացողություն: Յոթ անգամ չափիր... Անձամբ ստուգեցեք երկու անգամ և երեք անգամ և բազմաթիվ անգամ¹⁵: Պետք է ամենալուրջ վերաբերմունք դույց առաջ, ցուցաբերելով պոզիտիվություն, թույլ չտալով շտապողականություն օրենսդրության գործում:

ժամանակն է վերջ տալ հին օրենսգրքերը «կարկատելով» յուրազանչու պրակտիկային:

Հաշվի առնելով այս ամենը և մեծ Հենինի դրույթները, ՍՄԿՊ-ի 21-րդ համագումարի պատմական դիրեկտիվների լույսի տակ՝ իրավաբանական հանձնաժողովները կսրող են տալ կոմունիստական հասարակարգ կառուցող ժամանակաշրջանին վայել օրենքների նախագծեր, որոնք մինչև նրանց ընդունելը կարելի է դուրս բերել իրավաբանական նեղ շրջանակից և մեր կարծիքով, դնել համաժողովրդական քննարկման: Հավելիներ այդ նախագծերի մասին նախ ստանալ պարտիական, կոմերիտական, պրոֆմիութենական, աշխատանքային կոլեկտիվների, հասարակական այլ կազմակերպությունների, սովետական մարդկանց դիտողությունները ու օգտակար առաջարկները և ապա նոր օրենսգրքի նախագիծը դնել ռեսպուբլիկայի Գերագույն Սովետի սեսիայի քննարկմանն ու հաստատմանը:

Եթե ամբողջ օրենսգրքերի նման քննարկումը կարող է զժվարություն առաջացնել, ապա կարելի է նրա առանձին բաժինները կամ հոդվածները ըստ նպատակահամարության, հանձնել տարբեր կոլեկտիվների քննարկման: Օրինակ՝ մեր կարծիքով անձի դեմ (կյանքի, ստողջության) ուղղված հանցագործությունների վերաբերող բաժինը կարելի է քննության դնել բժշկական ու հարակից այլ կոլեկտիվներում, քաղաքական և աշխատանքային իրավունքների դեմ ուղղված հանցագործությունների բաժինը՝ պարտիական պրոֆմիութենական և այլ կազմակերպությունների, տեխնիկայի անվտանգության կանոնների խախտման վերաբերյալ հոդվածները՝ արդյունաբերական ձեռնարկությունների կոլեկտիվներին քննարկման և այլն: Իհարկե, մենք պետք է կրկին հիշատակենք, որ բավելիներ, որպեսզի կարևոր բաժինները քննարկվելին բոլոր կոլեկտիվներում: Այս հանապարհով լայն աշխատավարձական մասնակց կդառնան օրենսգրքերի քննարկման և ընդունման գործին: Այդ կարգով ընդունված օրենսգրքերը, որտեղայնով ամբողջ ժողովրդի կամքը, կդառնան սրբություն բոլորի համար:

¹⁵ „Ленинский сборник“, том. XXXV, стр. 327.